

REGLUGERÐ

um (1.) breytingu á reglugerð nr. 509/2020 um gildistöku framkvæmdarreglugerðar framkvæmdastjórnarinnar (ESB) 2019/626 um skrár yfir þriðju lönd eða svæði þeirra sem hafa heimild til að flytja inn tiltekin dýr og vörur, sem eru ætluð til manneldis, til Evrópusambandsins og um breytingu á framkvæmdarreglugerð (ESB) 2016/759 að því er varðar þessar skrár.

1. gr.

Við 1. gr. reglugerðarinnar bætist nýr töluliður, 3. tl., svohljóðandi:

3. Framkvæmdarreglugerð framkvæmdastjórnarinnar (ESB) 2020/2209 frá 22. desember 2020 um breytingu á I., II. og III. viðauka við framkvæmdarreglugerð (ESB) 2019/626 að því er varðar færslurnar fyrir Breska konungsríkið og hjálendur krúnunnar í skránni yfir þriðju lönd eða svæði þeirra þaðan sem aðflutningur til Evrópusambandsins á tilteknum dýrum og vörum, sem eru ætluð til manneldis, er leyfður.

2. gr.

Framkvæmdarreglugerð framkvæmdastjórnarinnar (ESB) 2020/2209, sem nefnd er í 1. gr., er birt sem fylgiskjal við reglugerð þessa.

3. gr.

Reglugerð þessi er sett með stoð í lögum nr. 93/1995, um matvæli, lögum nr. 54/1990, um innflutning dýra og lögum nr. 25/1993, um dýrasjúkdóma og varnir gegn þeim, öll með síðari breytingum.

Reglugerðin öðlast þegar gildi.

Atvinnuvega- og nýsköpunarráðuneytinu, 7. janúar 2021.

Kristján Þór Júlíusson
sjávarútvegs- og landbúnaðarráðherra.

Iðunn Guðjónsdóttir.

Fylgiskjal.**FRAMKVÆMDARREGLUGERÐ FRAMKVÆMDASTJÓRNARINNAR (ESB) 2020/2209**

frá 22. desember 2020

um breytingu á I., II. og III. viðauka við framkvæmdarreglugerð (ESB) 2019/626 að því er varðar færslurnar fyrir Breska konungsríkið og hjálendur krúnunnar í skránni yfir þriðju lönd eða svæði þeirra þaðan sem aðflutningur til Evrópusambandsins á tilteknum dýrum og vörum, sem eru ætluð til manneldis, er leyfður
(Texti sem varðar EES)

FRAMKVÆMDASTJÓRN EVRÓPUSAMBANDSINS HEFUR,

með hliðsjón af sáttmálanum um starfshætti Evrópusambandsins,

með hliðsjón af reglugerð Evrópuþingsins og ráðsins (ESB) 2017/625 frá 15. mars 2017 um opinbert eftirlit og aðra opinbera starfsemi sem miðar að því að tryggja að lögum um matvæli og fóður og reglum um heilbrigði og velferð dýra, plöntuheilbrigði og plöntuverndarvörur sé beitt og um breytingu á reglugerðum Evrópuþingsins og ráðsins (EB) nr. 999/2001, (EB) nr. 396/2005, (EB) nr. 1069/2009, (EB) nr. 1107/2009, (ESB) nr. 1151/2012, (ESB) nr. 652/2014, (ESB) 2016/429 og (ESB) 2016/2031, reglugerðum ráðsins (EB) nr. 1/2005 og (EB) nr. 1099/2009 og tilskipunum ráðsins 98/58/EB, 1999/74/EB, 2007/43/EB, 2008/119/EB og 2008/120/EB og um niðurfellingu á reglugerðum Evrópuþingsins og ráðsins (EB) nr. 854/2004 og (EB) nr. 882/2004, tilskipunum ráðsins 89/608/EBE, 89/662/EBE, 90/425/EBE, 91/496/EBE, 96/23/EB, 96/93/EB og 97/78/EB og ákvörðun ráðsins 92/438/EBE (reglugerð um opinbert eftirlit) ⁽¹⁾, einkum 2. mgr. 127. gr.,

og að teknu tilliti til eftirfarandi:

- 1) Framseld reglugerð framkvæmdastjórnarinnar (ESB) 2019/625 ⁽²⁾ bætir við reglugerð (ESB) 2017/625 að því er varðar skilyrði fyrir komu sendinga af tilteknum dýrum og vörum, sem eru ætluð til manneldis, inn í Sambandið frá þriðju löndum eða svæðum þeirra til að tryggja að þær uppfylli gildandi kröfur, sem komið var á með reglunum um matvælaöryggi, sem um getur í a-lið 2. mgr. 1. gr. reglugerðar (ESB) 2017/625 eða kröfur sem viðurkennt er að séu a.m.k. jafngildar þeim. Þessi skilyrði taka til auðkenningar á dýrum og vörum, sem eru ætluð til manneldis, sem geta einungis komið inn í Sambandið frá þriðja löndum eða svæðum sem eru skráð í samræmi við a-lið 2. mgr. 126. gr. reglugerðar (ESB) 2017/625.
- 2) Með framkvæmdarreglugerð framkvæmdastjórnarinnar (ESB) 2019/626 ⁽³⁾ er komið á fót skrár yfir þriðju lönd eða svæði þeirra þaðan sem koma sendinga inn í Sambandið er leyfð frá matvælaöryggissjónarmiði, einkum af lifandi, kældum, frystum eða unnum samlokum, skrápýrum, möttuldýrum og sæsniglum til manneldis, af öðrum lagarafurðum og af froskalöppum og sniglum sem eru tilreidd í samræmi við reglugerð Evrópuþingsins og ráðsins (EB) nr. 853/2004 ⁽⁴⁾.
- 3) Breska konungsríkið hefur lagt fram nauðsynlegar ábyrgðir, sem krafist er samkvæmt framseldri reglugerð (ESB) 2019/625, til þess að Breska konungsríkið og hjálendur krúnunnar Guernsey, Mön og Jersey verði færð á skrá í I., II. og III. viðauka við framkvæmdarreglugerð (ESB) 2019/626 eftir að aðlögunartímabilinu, sem kveðið er á um í samningnum um útgöngu Sameinaða konungsríkisins Stóra-Bretlands og Norður-Írlands úr Evrópusambandinu og Kjamorkubandalagi Evrópu („útgöngusamningurinn“), lýkur, með fyrirvara um beiðingu laga Sambandsins um og innan Breska konungsríkisins að því er varðar Norður-Írland, í samræmi við 4. mgr. 5. gr. bókunarinnar um Írland/Norður-Írland við útgöngusamninginn, í tengslum við 2. viðauka við þá bókun. Að teknu tilliti til þeirra ábyrgða sem Breska konungsríkið lét í té ætti að færa viðkomandi þriðja land og hjálendur krúnunnar á skrá í I., II. og III. viðauka við framkvæmdarreglugerð (ESB) 2019/626.
- 4) Því ætti að breyta I., II. og III. viðauka við framkvæmdarreglugerð (ESB) 2019/626 til samræmis við það.
- 5) Þar eð aðlögunartímabilinu, sem kveðið er á um í útgöngusamningnum, lýkur 31. desember 2020 ætti þessi reglugerð að koma til framkvæmda frá og með 1. janúar 2021.
- 6) Ráðstafanirnar, sem kveðið er á um í þessari reglugerð, eru í samræmi við álit fastanefndarinnar um plöntur, dýr, matvæli og fóður.

SAMÞYKKT REGLUGERÐ ÞESSA:

1. gr.

Ákvæðum I., II. og III. viðauka við framkvæmdarreglugerð (ESB) 2019/626 er breytt í samræmi við viðaukann við þessa reglugerð.

2. gr.

Reglugerð þessi öðlast gildi á þriðja degi eftir að hún birtist í *Stjórnartíðindum Evrópusambandsins*.

Hún kemur til framkvæmda frá og með 1. janúar 2021.

Reglugerð þessi er bindandi í heild sinni og gildir í öllum aðildarríkjunum án frekari lögfestingar.

Gjört í Brussel 22. desember 2020.

*Fyrir hönd framkvæmdastjórnarinnar,
forseti.*

Ursula VON DER LEYEN

(¹) Stjtið. ESB L 95, 7.4.2017, bls. 1.

(²) Framseld reglugerð framkvæmdastjórnarinnar (ESB) 2019/625 frá 4. mars 2019 um viðbætur við reglugerð Evrópuþingsins og ráðsins (ESB) 2017/625 að því er varðar kröfur vegna komu sendinga af tilteknum dýrum og vörum, sem eru ætluð til manneldis, inn í Sambandið (Stjtið. ESB L 131, 17.5.2019, bls. 18).

(³) Framkvæmdarreglugerð framkvæmdastjórnarinnar (ESB) 2019/626 frá 5. mars 2019 um skrár yfir þriðju lönd eða svæði þeirra sem hafa heimild til að flytja inn tiltekin dýr og vörur, sem eru ætluð til manneldis, til Evrópusambandsins og um breytingu á framkvæmdarreglugerð (ESB) 2016/759 að því er varðar þessar skrár (Stjtið. ESB L 131, 17.5.2019 bls. 31).

(⁴) Reglugerð Evrópuþingsins og ráðsins (EB) nr. 853/2004 frá 29. apríl 2004 um sérstakar reglur um hollustuhætti sem varða matvæli úr dýrarikinu (Stjtið. ESB L 139, 30.4.2004, bls. 55).

VIÐAUKI

Ákvæðum I., II. og III. viðauka við framkvæmdarreglugerð (ESB) 2019/626 er breytt sem hér segir:

1) Ákvæðum I. viðauka er breytt sem hér segir:

a) Eftirfarandi færslum er bætt við á eftir færslunni fyrir Chile (Síle):

| | | |
|-----|--------------------------------------|--|
| „GB | Breska konungsríkið (¹) | |
| GG | Guernsey | |

b) Eftirfarandi færslum er bætt við á eftir færslunni fyrir Grænland:

| | | |
|-----|---------------------|--|
| „IM | Mön | |
| JE | Jersey ⁴ | |

2) Ákvæðum II. viðauka er breytt sem hér segir:

a) Eftirfarandi færslu er bætt við á eftir færslunni fyrir Gabon:

| | | |
|-----|--------------------------------------|--|
| „GB | Breska konungsríkið (¹) | |
|-----|--------------------------------------|--|

b) Eftirfarandi færslu er bætt við á eftir færslunni fyrir Georgíu:

| | | |
|-----|-----------------------|--|
| „GG | Guernsey ⁴ | |
|-----|-----------------------|--|

c) Eftirfarandi færslu er bætt við á eftir færslunni fyrir Ísrael:

| | | |
|-----|------------------|--|
| „IM | Mön ⁴ | |
|-----|------------------|--|

d) Eftirfarandi færslu er bætt við á eftir færslunni fyrir Íran:

| | | |
|-----|---------------------|--|
| „JE | Jersey ⁴ | |
|-----|---------------------|--|

3) Ákvæðum III. viðauka er breytt sem hér segir:

a) Eftirfarandi færslu er bætt við á eftir færslunni fyrir Gabon:

| | | |
|-----|--------------------------------------|--|
| „GB | Breska konungsríkið (¹) | |
|-----|--------------------------------------|--|

b) Eftirfarandi færslu er bætt við á eftir færslunni fyrir Georgíu:

| | | |
|-----|-----------------------|--|
| „GG | Guernsey ⁴ | |
|-----|-----------------------|--|

c) Eftirfarandi færslu er bætt við á eftir færslunni fyrir Ísrael:

| | | |
|-----|------------------|--|
| „IM | Mön ⁴ | |
|-----|------------------|--|

d) Eftirfarandi færslu er bætt við á eftir færslunni fyrir Íran:

| | | |
|-----|---------|--|
| „JE | Jersey“ | |
|-----|---------|--|

B-deild – Útgáfud.: 15. janúar 2021